



# CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

## ACTA DA SESIÓN ORDINARIA DO CONCELLO DE MESÍA CELEBRADA O DÍA UN DE XUÑO DE 2012.

### ALCALDE

D. Mariano Iglesias Castro.

### CONCELLEIRO/AS:

PSdeG-PSOE:

D. Antonio Quindimil García.

D. Gervasio Sánchez Barreiro.

D<sup>a</sup> Pilar Sánchez Ulloa.

D. José Fernando García Lesta.

D. Iván Méndez García.

D<sup>a</sup> María Amparo García Pernas.

D José María Tojo Espiñeira.

D<sup>a</sup> María José Quindimil Suárez.

### Non asisten e se excusan:

PP:

D. Severino Álvarez Monteserín.

BNG:

D. José Manuel Raposo López.

### SECRETARIO :

D Eladio Bendaña Pardo.

En Mesía, a 1 de xuño de 2012, sendo as catorce horas, na sala de sesións da Casa do Concello, logo da convocatoria para o efecto, reuníronse, en primeira e pública convocatoria, os señores concelleiros que se relacionan na marxe, co obxecto de celebrar sesión ordinaria da Corporación Municipal.

A tódolos asistentes entregáraselles copia da Orde do Día, cos asuntos para tratar, poñéndose á súa disposición o expediente da sesión e cumprindo os trámites esixidos pola normativa vixente. Pásase a continuación a tratalos seguintes asuntos incluídos na Orde do Día:

### 1. APROBACIÓN DA ACTA CORRESPONDENTE Á SESIÓN CELEBRADA O DÍA 24 DE ABRIL DE 2012.

Abre a sesión o Sr. Alcalde preguntando se por parte dos concelleiros se quere facer algunha aclaración do borrador da acta correspondente á sesión sinalada no epígrafe.

Non habendo pronunciamentos ó respecto, sometese a votación a aprobación da mesma, adoptándose o acordo por unanimidade dos membros presentes.

### 2. APROBACIÓN INICIAL ORDENANZA REGULADORA DA PROTECCIÓN DE CAMIÑOS E VIAS RURAIS CON MOTIVO DA EXECUCIÓN DE TALAS, DEPÓSITO, CARGA E TRANSPORTE DE MADEIRA.

O Sr. Alcalde da conta da proposta que, de seguido, transcríbese literalmente:

*“PROPOSTA Ó PLENO*



# CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

*Ordenanza reguladora da protección de camiños e vías rurais, con motivo da execución de talas, depósito, carga e transporte de madeira no termo municipal de Mesía.*

*D. Mariano Iglesias Castro, Alcalde do concello de Mesía, entendendo de interese para este concello o establecemento dunha ordenanza reguladora da protección de camiños e vías rurais, con motivo da execución de talas, depósito, carga e transporte de madeira no termo municipal, de conformidade co artigo 22.2.d) e 49 da Lei 7/1985, de 2 de abril, propónse ó pleno a adopción do seguinte acordo:*

*PRIMEIRO: Aprobar inicialmente a ordenanza reguladora da protección de camiños e vías rurais, con motivo da execución de talas, depósito, carga e transporte de madeira no termo municipal de Mesía, que se transcribe como anexo do presente acordo.*

*SEGUNDO: De conformidade co artigo 49 da Lei 7/1985, de 2 de abril, reguladora das Bases de Réxime Local, proceder ó trámite de información pública polo prazo de trinta días hábiles contados a partir do seguinte ó da publicación do correspondente anuncio no Boletín Oficial da Provincia, co fin de que os interesados poidan presentar as reclamacións e suxestións que consideren oportunas.*

*TERCEIRO: Se os interesados presentasen reclamacións ou suxestións serán resoltas polo Pleno. No caso de que non se presentasen reclamacións ou suxestións, se entenderá definitivamente adoptado o acordo ata entón provisional, procedéndose á publicación do texto íntegro da Ordenanza no Boletín Oficial da Provincia.*

## *Anexo*

*Ordenanza reguladora da protección de camiños e vías rurais, con motivo da execución de talas, depósito, carga e transporte de madeira no termo municipal de Mesía.*

### *Exposición de motivos*

*O Concello de Mesía demostra interese e preocupación cara a xestión das súas masas arbóreas. As zonas de uso residencial atópanse difuminadas e mesturadas coas zonas forestais, de forma que en varias parroquias conviven os dous usos, practicamente en unidade xeográfica. Esta situación condiciona os usos do monte.*

*É prioritaria a protección das persoas, edificacións e instalacións fronte aos incendios forestais. A proximidade, orografía, climatoloxía e outros factores poden xerar situacións de risco que esixen unha resposta practicamente inmediata na exhibición dun incendio na súa etapa de conato. Para esta consecución é indispensable que os viais de acceso ás zonas forestais se atopen sempre en perfectas condicións.*

*O uso dos camiños forestais é un dereito dunha importante comunidade de usuarios. Destacan ademais dos usos citados, os dos propietarios de montes para súas limpezas e mantementos, os usos cinxéticos e de simple disfrute. Preséntase na actualidade un número crecente de cidadáns que disfrutan da actividade ao aire libre, en diferentes usos que transitan por estes camiños.*

*Todo isto debe combinarse co uso silvícola. É conveniente, pero ao mesmo tempo debe ser controlado pola administración, dando conta da extracción da madeira, con ánimo de lucro, tanto no lugar da súa corta como seu traslado polos distintos viais do municipio, xerando en ocasións importantes desperfectos en zonas de uso común e público.*

*Respecto da Lei 3/2007, do 9 de decembro de prevención e defensa contra os incendios forestais en Galicia, en virtude da súa aplicación, ao atoparnos dentro dun término municipal cun gran número de superficies de terreos afectadas, nas que cómpre unha xestión da biomasa vexetal e a*



# CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

*adaptación de parte do seu arborado a unhas distancias de protección cara as vivendas, instalacións, edificacións e construcións, máis próximas, provocan severas actuacións sobre estes terreos e as súas plantacións, sobre todo en solos rústicos de protección paisaxística e forestal, incrementado ao mesmo tempo o uso dos viais e camiños forestais que transcorren ata os montes.*

*A habilitación desta ordenanza emana da potestade regulamentaria das entidades locais recoñecida no art. 4.1º.a) da Lei 7/1985, do 2 de abril, reguladora das bases de réxime local, con respecto ás competencias en materia de conservación de camiños e vías rurais (art. 25.2º.d), prevendo o correspondente réxime sancionador polo incumprimento das súas determinacións e no suposto de ocasionar danos e desperfectos nas infraestruturas, instalacións e espazos públicos, derivados da actividade madeirista.*

## *Artigo 1º.- Obxecto.*

*O obxecto desta ordenanza é a conservación dos camiños e vías rurais, con motivo da execución de talas e cortas de madeira no municipio de Mesía, así como a protección dos viais de acceso e demais infraestruturas anexas aos lugares da tala e o estado final da superficie talada. Tamén, a regulación dos lugares de depósito, almacenamento e carga, en relación co desenvolvemento da actividade e os posibles desperfectos producidos.*

## *Artigo 2º.- A comunicación de tala.*

*1.- Para garantir a preservación do medio ambiente e da conservación dos camiños e pistas rurais, é obrigatoria a comunicación de tala por parte da persoa física ou xurídica que actúe en calidade de madeireiro, cunha antelación mínima de quince días hábiles, sen prexuízo da obtención doutras autorizacións sectoriais que sexan necesarias para a tala das plantacións forestais.*

*2.- Na comunicación de tala, deberá constar:*

*- Data na que se procederá á tala e data en que rematarán tódolos traballos (incluíndo a retirada da madeira da parcela e dos restroballos resultantes).*

*- Identificación do propietario do monte e do madeireiro, con designación do representante deste no suposto de ser unha persoa xurídica.*

*- Especie da madeira obxecto de tala, así como toneladas a extraer.*

*- Identificación nun plano do catastro ou do SIXPAC do monte afectado e referencia catastral do mesmo, así como indicación do lugar de depósito e viais a utilizar para o transporte da madeira, debendo ter en conta a tal efecto o sinalado no art. 28 da Lei 3/2007, de incendios de Galicia.*

*- Identificación da/s empresa/s encargada/s da tala, depósito, carga e transporte da madeira (razón social, N.I.F., vehículos cos que se van a realizar as operacións de depósito, carga e transporte así como a indicación da súa marca, modelo, matrícula e peso máximo autorizado).*

*- Xustificante da solicitude de permiso de tala achegado previamente ante a Consellería competente en materia forestal, segundo modelo oficial.*

*- Xustificante do depósito da garantía.*

*3.- De calquera xeito, poderase facer unha comunicación de tala para varios montes ou parcelas catastrais, cando os traballos vaian a efectuarse de forma simultánea, debendo constar os datos de cada unha das parcelas nas que se vaia a realizar a tala segundo o establecido no art. 2º.2.*

*4.- As vías públicas non se poderán utilizar para almacenamento da madeira, aínda que se autoricen as operacións para a súa carga, solicitando de ser o caso, o permiso municipal correspondente de ocupación de vía pública municipal, quedando suxeita ás taxas correspondentes. No suposto de referirse á vías de titularidade da Xunta de Galicia ou da Deputación Provincial da*



# CONCELLO DE MESIA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

Coruña, con carácter previo deberá obter autorización destes organismos. Non obstante, as cunetas quedarán sempre limpas e en bo estado de utilización.

*Artigo 3º.- Actividades excluídas.*

*A efectos desta ordenanza, non teñen a consideración de “talas forestais” os seguintes traballos:*

*Podas e refaldes en plantacións forestais*

*Desbroce e limpeza de predios.*

*Clareo de rebrotes de cepa de menos de tres anos*

*Talas puntuais de exemplares de árbores ornamentais illadas.*

*Artigo 4º.- Requisitos e obrigas para os madeireiros ou propietarios que realicen a tala e o depósito, carga e transporte da madeira talada.*

*1.- Será o madeireiro encargado da tala o responsable dos desperfectos ocasionados nos lugares de tala, viais de acceso, instalacións ou demais infraestruturas anexas, como consecuencia tanto da tala como do depósito, carga e transporte da madeira, quedando obrigado ao arranxo e reparación inmediata do deterioro producido nos mesmos, incluíndo a limpeza, retirada ou eliminación de residuos procedentes da tala e das operacións de carga e almacenamento. No suposto de non ser identificado o mesmo, quedará obrigado o propietario do monte ou parcela.*

*2.- As cantidades depositadas en concepto de garantía responderán da dita obriga, sen prexuízo de que no suposto de non ser suficientes, a diferenza recadarase en concepto de ingreso de dereito público, coa correspondente vía de constrinximento, de ser necesaria.*

*3.- Nos supostos previstos nos dous apartados anteriores, o madeireiro ou o propietario, deberán atender o requirimento de reparación ou limpeza que efectúe o concello, e no que se lles outorgará un prazo de quince días hábiles, para a realización dos traballos de reparación e e limpeza que procedan.-*

*4.- Establécense dous categorías para os efectos da fixación da correspondente garantía, segundo o peso máximo autorizado do vehículo de maior peso que se vaia a utilizar na realización das operacións de depósito, carga e transporte da madeira talada:*

*Vehículos con peso máximo autorizado inferior a 16 TN: 1600 Euros*

*Vehículos con peso máximo autorizado superior a 16 TN: 3100 Euros*

*5.- As correspondentes garantías deberanse depositar na Tesourería Municipal mediante: fianza en metálico, aval solidario e por tempo indefinido, seguro de caución nos termos previstos para o depósito de aquelas pola normativa reguladora de contratos do sector público.*

*A devolución das ditas garantías, deberá ser solicitada polos depositarios, requirindo previamente á resolución, informe dos Servizos Técnicos Municipais, no que se deixe constancia de que non foron ocasionados desperfectos nas vías, servizos e infraestruturas públicas municipais.*

*6.- Excepcionalmente, esta administración poderá limitar ou denegar o acceso polos viais solicitados por mor da capacidade de resistencia do firme da vía ou do seu mal estado, ou pola utilización dos ditos viais na data solicitada para outros fins, o que se porá en coñecemento do solicitante de forma motivada, coa achega do correspondente informe técnico no prazo máximo de quince días dende a comunicación de tala, debendo realizar posteriormente unha nova comunicación de tala en caso de ser denegado o dito acceso.*

*Artigo 5º.- Potestades da administración*

*Unha vez que o Concello teña coñecemento da produción de danos ou da acumulación de residuos vexetais combustibles, e así sexa constatado polos servizos técnicos no correspondente*



# CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

*informe, previo o debido requirimento, o órgano municipal competente, poderá realizar con cargo á garantía depositada, as operacións de reparación, acondicionamento ou retirada de residuos, previa audiencia do interesado polo prazo de dez días hábiles, sen prexuízo de recadar as cotas correspondentes en concepto de ingreso público, se os custes da dita operación non fosen totalmente cubertos co importe da garantía depositada.*

*O anterior, sen prexuízo da imposición das sancións que correspondan polo incumprimento desta ordenanza.*

## *Artigo 6º.- Réxime sancionador*

*Constitúen infraccións administrativas, as accións ou omisións que comporten un incumprimento das obrigas, prohibicións ou requisitos que establece esta ordenanza.*

*O procedemento sancionador, suxeitarase ao previsto no RD 1398/1993, de 4 de agosto, regulamento para o exercicio da potestade sancionadora, iniciárase mediante resolución motivada da Alcaldía, sendo o prazo máximo de resolución e notificación seis meses, transcorridos os cales, producirase a caducidade do procedemento con arquivo das actuacións, sen prexuízo do inicio dun novo expediente cando a infracción non prescribise.*

*En calquera caso, con carácter previo á finalización do procedemento sancionador, a proposta do interesado, poderá efectuarse o remate convencional do procedemento, dando lugar á redución da sanción ata un 50%, sempre e cando este recoñeza súa responsabilidade e repare o dano ocasionado e/ou repoña os feitos que deron lugar ao expediente sancionador, no prazo que a tal efecto se fixe polo órgano municipal competente, renunciando expresamente ao exercicio de toda acción de impugnación ao respecto.*

*A resolución que poña fin ao procedemento sancionador identificará aos responsables dos feitos, coa imposición das sancións individualizadas que procedan, ordenando de ser o caso os traballos de reposición, de reparación ou de limpeza das vías, servizos e infraestruturas que procedan, que poderán executarse con cargo ás garantías depositadas.*

## *Artigo 7º.- Responsabilidade*

*Son responsables das infraccións administrativas as persoas físicas ou xurídicas que as cometan en cualidade de madeireiro ou propietario do monte ou parcela.*

*En todo caso, será responsable o propietario no suposto de non identificar ao madeireiro, sinalando o seu NIF ou CIF e enderezo, cando sexa requirido polo concello, no prazo de dez días hábiles, contados a partir do día seguinte á recepción da notificación.*

## *Artigo 8º.- Clasificación das infraccións e sancións.*

*1. As infraccións administrativas desta ordenanza clasifícanse en leves, graves e moi graves.*

*2. As infraccións administrativas sancionáranse con multa nas seguintes contías:*

*Infracción leve: ata 300 euros.*

*Infracción grave: de 301 a 1.000 euros.*

*Infracción moi grave: de 1.001 a 3.000 euros.*

*3. Para a clasificación das infraccións e a determinación da cuantía da sanción, teranse en conta as seguintes circunstancias:*

*A existencia de intencionalidade ou reiteración.*

*A natureza dos danos causados.*

*A reincidencia no prazo dun ano de mais dunha infracción da mesma natureza.*

*A transcendencia social da infracción.*



# CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

## Artigo 9º.- Competencia.

*A competencia para a iniciación e resolución dos expedientes por infracción desta ordenanza, corresponde ao Alcalde, ou concelleiro/a en quen delegue, debendo nomearse instrutor/a ou secretario/a do mesmo, para os efectos de garantir a debida separación entre a fase instrutora e a resolutoria.-*

## Artigo 10º.- Infraccións.

### 1.-Constitúen infraccións moi graves:

*A realización de ditas actividades sen o previo depósito da garantía no importe que corresponda.*

*Non proceder á reparación dos danos e/ou limpeza dos restos forestais dentro do prazo sinalado de quince días hábiles, contados a partir do día seguinte da notificación do requirimento municipal.*

### 2.-Constitúen infraccións graves:

*Non achegar a documentación requirida antes de efectuar a tala da madeira.*

*Non achegar ou falsear os datos que se esixen segundo o artigo 2º desta ordenanza.*

*A non comunicación da tala por parte do madeireiro no prazo sinalado..*

*A reincidencia na comisión de tres infraccións leves da mesma natureza, no prazo dun ano.*

*A realización dos traballos de tala sendo denegada previamente a utilización da vía pública para a realización dos mesmos.-*

*O incumprimento polo propietario do monte ou parcela da obriga de identificar ao madeireiro.*

### 3.-Constitúen infraccións leves:

*Calquera acción ou omisión que infrinxa as disposicións desta ordenanza e non estea tipificada expresamente nela como moi grave ou grave.*

*4.- A imposición das sancións pecuniarias anteriormente sinaladas, non eximirá aos responsables dos feitos de repoñer a realidade física alterada, e de realizar os traballos de reparación e limpeza que a tal fin sexan sinalados na resolución que se dite.*

## Artigo 11º.- Prescrición das infraccións.

*1.- As infraccións moi graves prescribirán aos tres anos, as graves aos dous anos e as leves aos seis meses, computándose dende o día en que a infracción fora cometida.*

*2.- As sancións impostas por faltas moi graves prescribirán aos tres anos, as impostas por faltas graves aos dous anos e as impostas por faltas leves ao ano, computándose dende o día seguinte a aquel en que adquira firmeza a resolución pola que foi imposta a sanción.*

### Disposición Final.

*A presente ordenanza entrará en vigor a partir do día seguinte a súa publicación no Boletín Oficial da Provincia da Coruña, e transcorrido o prazo previsto no art. 65.2º da Lei 7/1985, do 2 de abril, reguladora das bases de réxime local.*

*MESÍA, a 21 de maio de 2012. O Alcalde, Asdo./ Mariano Iglesias Castro”*

*O Sr. Alcalde manifesta que con esta ordenanza trátase de que, cando se fan cortas, os camiños e pistas municipais queden ben, para o que se establece unha fianza dependendo da carga.*



# **CONCELLO DE MESÍA (A CORUÑA)**

15685 XANCEDA C.I.F.: P-1504800 B Telf. (981) 68 70 01 – Fax 68 70 69

Non habendo máis intervencións, o asunto é sometido a votación e obtense o seguinte resultado: unanimidade de concelleiros presentes.

### **3. CONTA XERAL EXERCICIO 2011.**

O Sr. Alcalde da conta da proposta que, de seguido, transcríbese literalmente:

*“PROPOSTA Ó PLENO  
APROBACIÓN CONTA XERAL EXERCICIO 2011*

*En cumprimento do artigo 212 do RDL 2/2004, de 5 de marzo, polo que se aproba o Texto Refundido da Lei Reguladora das Facendas Locais, a Conta Xeral do exercicio 2011 foi sometida a informe da Comisión Especial de Contas o día trece de abril de 2012, sendo informada favorablemente.*

*Posteriormente expúxose ó público (BOP nº 76, de 23 de abril) por un período de 15 días, e oito máis a efectos de reclamacións, non habendo ningunha reclamación, reparo ou observación ó respecto.*

*Unha vez cumpridos os trámites enumerados no parágrafo anterior, e de conformidade co artigo 212 do RDL 2/2004, de 5 de marzo, propono ó Pleno da Corporación a adopción do seguinte acordo:*

*Primeiro.- Aprobar a Conta Xeral do concello de Mesía correspondente o exercicio económico do 2011.*

*Segundo.- Render a Conta Xeral da Corporación ó Tribunal de Contas e ó Consello de Contas.*

*En Mesía, 28 de maio de 2012 O Alcalde,Asdo./ Mariano Iglesias Castro.”*

Manifesta o Sr. Alcalde que este é o último trámite da Conta antes de mandala ó Consello de Contas e ó Tribunal de contas. Como saben, ditaminouse favorablemente xa na Comisión de Contas e logo tamén estivo exposta ó público durante o prazo legal, cumpríndose coa lexislación vixente.

Non habendo máis intervencións, o asunto é sometido a votación e obtense o seguinte resultado: unanimidade de concelleiros presentes.

### **4. SECRETARÍA XULGADO DE PAZ. ACORDOS QUE PROCEDAN.**

O Sr. Alcalde da conta da proposta que, de seguido, transcríbese literalmente:

*“PROPOSTA AO PLENO*

*D. MARIANO IGLESIAS CASTRO, Alcalde do Concello de Mesía, visto o artigo 50.3 da Lei 38/1988, de 28 de decembro, de Demarcación e de Planta Xudicial, que establece: “Nos demáis*



## **CONCELLO DE MESÍA (A CORUÑA)**

15685 XANCEDA C.I.F.: P-1504800 B Telf. (981) 68 70 01 – Fax 68 70 69

*Xulgados de Paz, o Concello nomeará unha persoa idónea para o desempeño da Secretaría e o comunicará ó Ministerio de Xustiza para a súa aprobación."*

*Resultando que por acordo do Pleno, de 7 de outubro de 2006, ratificouse o decreto de alcaldía núm. 109/2006, de 11 de agosto, nomeando a dona Eva María Vilariño Espiñeira, con DNI núm. 78.796.966-R, auxiliar administrativo (persoal deste Concello), como Secretaria do Xulgado de Paz de Mesía.*

*Visto que por decreto de Alcaldía 543/2011, de 31 de outubro, debido a que dona Eva María Vilariño Espiñeira causa baixa por maternidade, se nomea, accidentalmente, para o posto de Secretaria do Xulgado de Paz de Mesía, a dona M<sup>a</sup> José Sesmonde Quinteiro, axente de emprego e desenvolvemento local deste concello, posto que veu desempeñando dende entón e ata o 19 de marzo de 2012, data na que se incorporou ao seu posto, por alta, dona Eva María Vilariño Espiñeira.*

*A data de hoxe, debido a razóns de reorganización do persoal deste concello, estímase como persoa idónea para o posto de Secretaria do Xulgado de Paz de Mesía a dona M<sup>a</sup> José Sesmonde Quinteiro.*

*De conformidade co artigo 50.3 da Lei 38/1988, de 28 de decembro, de Demarcación e Planta Xudicial, propoño ao Pleno a adopción do seguinte ACORDO:*

*Primeiro.- Cesar a dona Eva María Vilariño Espiñeira, con DNI 78796966R, como Secretaria do Xulgado de Paz de Mesía.*

*Segundo.- Nomear para o dito posto a dona M<sup>a</sup> José Sesmonde Quinteiro, con DNI núm. 78.798.945-W, axente de emprego e desenvolvemento local deste concello.*

*Terceiro.- Dar conta do presente acordo á Xefatura Territorial da Coruña da Consellería de Presidencia, Administracións Públicas e Xustiza, e á Secretaría do Goberno do Tribunal Superior de Xustiza de Galicia.*

*Mesía, 28 de maio de 2012 O alcalde, D. Mariano Iglesias Castro."*

Manifesta o Sr. Alcalde que este cambio faise por razóns de operatividade, xa que a persoa que o viña desenrolando o posto non presta agora os seus servizos na casa do concello, e é mellor que quen realice esta función sexa unha persoa que estea na casa consistorial.

Manifesta a Sra. Quindimil que nós ímonos abster, xa que non podemos saber si a persoa que se nomea é idónea ou non, sinalando o Sr. Alcalde que o entende perfectamente.

Non habendo máis intervencións, o asunto é sometido a votación, quedando adoptado o acordo co seguinte resultado: oito votos a favor correspondentes ós concelleiros do PSdeG-PSOE, e unha abstención correspondente á concelleira presente do PP.





# CONCELLO DE MESÍA (A CORUÑA)

15685 XANCEDA C.I.F.: P-1504800 B Telf. (981) 68 70 01 – Fax 68 70 69

## 5. ACORDO DE APOIO AO MANTEMENTO DE ORDES COMO PARTIDO XUDICIAL

O Sr. Alcalde da conta da proposta que, de seguido, transcríbese literalmente:

*“PROPOSTA Ó PLENO*

*ACORDO DE APOIO AO MANTEMENTO DE ORDES COMO PARTIDO XUDICIAL*

*O Consello Xeral do Poder Xudicial, nas súas reunións de 19 de abril e 3 de maio de 2012, aprobou unha proposta de bases para unha nova demarcación xudicial que promove un novo modelo de demarcacións xudiciais que implica a redución dos actuais 413 partidos xudiciais que actualmente existen en España.*

*A dita proposta supón, na provincia de A Coruña, a redución dos 14 actuais partidos xudiciais a 4 (A Coruña, Santiago, Ferrol e Noia).*

*Entre os partidos xudiciais que desaparecerían está o de Ordes, que é ao que pertence este concello xunto cos concellos de Frades, Ordes, Oroso, Tordoia, Trazo e Val do Dubra, e que pasaría a integrarse no de Santiago de Compostela.*

*Dado que a eliminación dos xulgados en Ordes suporía para a cidadanía do noso concello un grave prexuízo ó ter que desprazarse ata Santiago, polo que non só o tempo empregado, senón que os custes dos procesos xudiciais para aqueles cidadáns que habiten nas áreas rurais máis lonxe da sede proposta aumentarían, facendo máis caro o acceso á xustiza.*

*Visto que o Pleno concello de Ordes o pasado 14 de maio acordou presentar alegacións á proposta Do Consello Xeral do Poder Xudicial en orden a manter Ordes como partido xudicial, solicitando así mesmo o apoio dos concellos que integran o partido xudicial.*

*É por todo o antedito polo que se propón ó Pleno a adopción do seguinte acordo:*

*PRIMEIRO: Manifestar o apoio do concello de Mesía ó mantemento de Ordes como partido xudicial.*

*SEGUNDO: Dar traslado do presente acordo ó Concello de Ordes.*

*Mesía, 28 de maio de 2012, O Alcalde, Asdo/ Mariano Iglesias Castro”*

Manifesta o Sr. Alcalde que o acordo queda claro na proposta, e aínda que non vai depender da vontade desta corporación, polo menos que quede clara nosa postura, que é en beneficio dos nosos veciños.

Non habendo máis intervencións, o asunto é sometido a votación e obtense o seguinte resultado: unanimidade de concelleiros presentes.



# **CONCELLO DE MESÍA (A CORUÑA)**

15685 XANCEDA C.I.F.: P-1504800 B Telf. (981) 68 70 01 – Fax 68 70 69

## **6. MOCIÓN**

O Sr. Alcalde pregunta se algún grupo quere, pola vía de urxencia, presentar algunha moción. Non manifestándose nada ó respecto, pasa o Sr. Alcalde ó seguinte punto da orde do día.

## **7. DAR CONTA DOS DECRETOS DE ALCALDÍA (94/2012 a 139/2012).**

Manifesta o Sr. Alcalde que, dado que os concelleiros xa teñen un listado cun extracto dos correspondentes decretos e resolucións, podendo consultar o seu contido íntegro na casa do concello, dálles a palabra ós portavoces dos distintos grupos políticos municipais para que soliciten as aclaración que estimen convenientes.

Pregunta o Sr. Álvarez por un decreto de solicitude de subvención de fomento de emprego, respostando o Sr. Alcalde que son as solicitudes que se fan á Xunta e despois sempre nos conceden menos, pero creo recordar que pedimos para tres auxiliares de axuda no fogar, dous tractoristas e seis peóns.

Non manifestándose nada máis ó respecto, pasa o Sr. Alcalde ó seguinte punto da orde do día.

## **8. DAR CONTA DAS ACTAS DA XUNTA DE GOBERNO LOCAL DAS SESIÓNS CELEBRADAS OS DÍAS 12 E 26 DE ABRIL, E 10 DE MAIO DE 2012.**

Manifesta o Sr. Alcalde que, dado que os concelleiros teñen copia das actas, dálle a palabra ós portavoces dos distintos grupos políticos municipais para que soliciten as aclaración que estimen convenientes.

Non manifestándose nada máis ó respecto, pasa o Sr. Alcalde ó seguinte punto da orde do día.

## **9. ROGOS E PREGUNTAS.**

Non hai rogos nin preguntas

Non habendo máis asuntos que tratar, o Sr. Alcalde, sendo as catorce horas e trinta minutos, levanta a sesión, da que eu, Secretario – Interventor, certifico.

Visto e Prace,